

衛

生

寶

鑑

衛生寶鑑卷之七

名方類集

○風門

中風論

出繫古家

經曰風者百病之始善行而數變行若動也風本為熱熱勝則風動宜以靜勝其躁是養血也治須少汗亦宜少下多汗則虛其衛多下則損其榮汗下各得其宜然後宜治其在經雖有汗下之戒而有中臟中腑之分中腑者宜汗之中臟者宜下之此雖合汗下亦不可過也仲景云汗多則亡陽下多則亡陰亡陽則損氣亡陰則損形故經言血氣者人之神不可不謹養也初謂表裏不和須汗下之表裏已和是宜治之在經也其中腑者面頰顯五色有表證而脉浮惡風惡寒拘急不仁或中身之後或中身之前或中身之側皆由中腑也其病多易治其中臟者唇吻不收舌不轉而失

音鼻不知香臭耳聾而眼瞽大小便秘結皆曰中臟也其病則難
治經曰六府不和留結為癰五臟不和九竅不通外無留結為癰
內無九竅不通知必在經也初證既定宜以大藥養之當須按時
令而調陰陽安臟腑而和榮衛少有不愈者也風中腑者先以加
減續命湯隨證發其表如無中風則大便秘證宜以三化湯通
其滯表裏證已定別無弊端故以大藥和而治之大抵中腑者多
著四肢中臟者多滯九竅雖中腑者多兼中臟之證至於舌強失
音久服大藥能自愈也有中風濕者夏月多有之其證身重如山
不能轉側宜服除風勝濕去熱之劑如不可則用鍼灸治之今具
六經續命湯治法

小續命湯通治八風五痺痿厥等疾以一歲為總六經為別春夏
加石膏知母黃芩秋冬加官桂附子為藥又於六經別藥內隨

證細分加減自古名醫不能越此

麻黃去節

人參去芦

黃芩去腐

芍藥

甘草炙

川芎

杏仁去皮尖炒

防已

官桂各

兩

防風

一兩半

附子炮去皮臍半兩

右十一味除附子杏仁外為粗末後入二味和勻每服五

錢水一觔半生薑五片煎至一觔去滓稍熱服食前

始治中風不審六經之形證加減雖治與不治無異也內經曰腠理開則自然汗閉則熱而悶知暴中風邪宜先以加減續命湯藥

證治之若

中風無汗惡寒麻黃續命湯主之

勝光

尺

於本方中加麻黃防風杏仁一倍宜鍼太陽經至陰出血

以及崑崙陰蹻二穴

中風有汗惡風桂枝續命湯主之

於本方中加桂枝芍藥杏仁一倍宜鍼風府已上三證皆足太陽經中風也

中風無汗身熱不惡寒白虎續命湯主之

於本方中加石膏二兩知母二兩甘草一兩

中風有汗身熱不惡風者續命湯主之

於本方中加葛根二兩桂枝黃芩各一倍宜鍼陷谷刺廉兌鍼陷谷者去陽明之賊邪刺厲兌者瀉陽明之實也已上二證皆陽經中風也

中風無汗身涼附子續命湯主之

於本方中加附子一倍乾薑加二兩甘草加三兩宜鍼隱白夫太陰之賊邪此一證太陰經中風也

中風有汗無熱桂枝附子續命湯主之

於本方中加桂枝附子甘草一倍宜鍼太谿與一證少陰經中風也

凡中風無此四經六證混淆繫於少陽厥陰或肢節痠痛或麻木不仁宜羌活連翹續命湯主之

於本方中加羌活連翹續命八兩羌活四兩連翹六兩

右古之續命混淆無別今立分經治療又分各經鍼刺無不愈也治法厥陰之井大敦刺以通其經少陽膽經絕骨灸以引其熱此通經引熱是鍼灸要象治法之大軀也

大秦芎湯治中風外無六經之形證內無便溺之阻隔是知為血弱不能養於筋故手足不能運動舌強不能語言宜此藥養血而筋自榮也

秦九

石膏 各二兩

甘草

川芎

當歸

芍

藥

羌活

獨活

防風

黃芩

白朮

白芷

茯苓

生地黃

熟地黃 各一兩

細辛 半兩

右十六味㕮咀每服一兩水二觔煎至一觔去滓溫服無

時如遇天陰加生薑七片煎如心下痞每服一兩加枳實

一錢煎此是秋冬藥如春夏加知母一兩

凡中風外有六經之形證先以加減續命湯隨證治之內有便溺

之阻隔復以三化湯導之

厚朴

薑製

大黃

枳實

羌活

各等分

右四味㕮咀每服三兩水三升煎至一升半終日服以微

利則已

若內邪已除外邪以盡當服愈風湯以行中道久服大風

舉去縱有微邪只從愈風湯加減治之然治病之法不可失於通塞或一氣之微汗或一句之通利如此乃常治之法也久則清濁自分榮衛自和矣

羌活愈風湯療腎肝虛筋骨弱語言難精神昏價是中風溫熱內弱者是有風熱躰重也或瘦一臂肢偏枯或肥而半身不遂或恐而健忘兼以多思思忘之道皆心不足也故心亂則百病生心靜則萬病息是以此藥能安心養神調陰陽無偏勝

羌活

甘草

防風

防己

黃芪

蔓荊子

川芎

獨活

細辛

枳殼

麻黃

地骨

皮

人參

知母

桂菊

薄荷

去枝

白芷

枸杞子

當歸

杜仲

秦艽

柴胡

半夏

厚朴

前胡

熟地黃

十六味各二兩

白茯苓

三兩

黃芩

三兩

生地黄

蒼朮

石膏

各四兩

芍藥

四兩

桂

一兩

右三十三味重七十五兩以咀一服一兩水二觔煎至一

觔去粗溫服如遇天陰加生薑三片煎空心一服臨卧再

煎粗服俱要食遠空心煎下二丹丸為之重劉臨卧嚥下

四白丸為之輕劑立其法是動以安神靜以清肺

假令一氣而微汗用愈風湯三兩加麻黃一兩勻作四服每服加

生薑五七片空心服以粥投之得微汗則佳

如一句之通利用愈風湯三兩加大黃一兩亦勻作四服每服

生薑五七片臨卧煎服得利為度此藥常服之不可失於四

時之輔。如望春大寒之後本方中加半夏人參柴胡各二

兩通前四兩謂迎而奪少陽之氣也。如望夏穀雨之後本

方中加石膏黃芩知母各二兩謂迎而奪陽明之氣也。如
季夏之月本方中加防己白朮茯苓各二兩謂勝脾土之溫
也。如初秋大暑之後本方中加厚朴二兩藿香一兩桂一
兩謂迎而奪太陰之氣也。如望冬霜降之後本方中加附
子宮桂各一兩當歸二兩謂勝少陰之氣也。如得春氣候
減冬所加藥四時加減類此推立此四時加減更宜臨病之
際審病之虛實土地之所宜邪氣之多少此藥治七情六欲
四氣無使五臟偏勝及不動於榮衛如風祕服之則永不結
燥久瀉服之能自調適初覺風氣能便服此藥及新方中天
麻丸各一料相為表裏治未病之聖藥也。若已病者更宜
常服無問男女老幼小兒風癰急慢驚風皆可服之神效如
解利四時傷寒隨四時加減法服之果如聖矣

四白丹能清肺氣養魄謂中風者多昏冒氣不清利也

白木

砂仁

白茯苓

香附

防風

川芎

各半兩

甘草

人參 各半兩

白芷 一兩

羌活

獨

活

薄荷

各二錢半

藿香

白檀香

各一錢半

知

母

細辛

各二錢

甜竹葉

二兩

麝香

一錢另研

龍

腦另研

牛黃

各半錢另研

右二十味為末蜜丸每兩作十丸臨卧嚼一九分五七次

細嚼之煎愈風湯嚥下能上清肺氣下強骨髓

二丹九治健忘養神定志和血內以安神外華腠理

丹參

大門冬

熟地黃

各一兩半

甘草

麥門

冬 去心

白茯苓

各一兩

人參

遠志

去心

硃砂

各

兩研為衣氣宜保命集力有

葛蒲

半兩

右十味為末蜜丸桐子大硃砂為衣每服五十九至一百丸空心食前煎愈風湯送下常服安神定志此治之法一藥安神一藥清肺故清中清者歸肺以助天真清中濁者堅強骨髓濁中之清者榮養於神濁中之濁者榮華腠理爾

中風雜說

風者能動而多变因熱勝則動宜以靜勝燥是養血也宜和血行榮衛壯筋骨也天麻丸主之非大藥不能治也

附子 一两炮

天麻 酒浸三宿晒

牛膝 酒浸一宿焙

草

蘇方研為末

玄參 各六两

杜仲 七两炒

當歸 十两全用

羌活

十两或十五两

生地黃

十六两

獨活

五两

右十味為末煉蜜丸如桐子大每服五七十九病大加至

百九空心食前溫酒或白湯送下平明服藥日高飢則食
不飢且止食大忌壅塞失于通利故服藥半月稍菴壅塞
微以七宣丸踈之使藥再為用也牛膝草薛強壯筋骨杜
仲使筋骨相着羌活防風治風之要藥當歸地黃能養血
和榮衛玄參主用附子佐之行經也

如風癰病不能愈者吐論厚朴丸出紫古家珍其本方後
另有此病加添藥如中風自汗昏冒發熱不惡風寒不能
安卧此是風熱煩躁瀉青丸主之如小便少不可以藥利
之既自汗津液外泄小便內少若利之使榮衛枯竭無以
制火煩熱愈甚俟熱退汗止小便自行也兼此證屬陽明
經大忌利小便須當識此中風見證

瀉青丸治中風自汗昏冒發熱不惡寒不能安卧此是風熱煩躁

之故也

當歸

川芎

梔子

羌活

大黃

防風

龍膽草

各等分

右末蜜丸彈子大竹葉湯化下一丸

此方去梔子加獨活防風甘草菊花蟬退川芎丸服

凡人初覺大指次指麻木不仁或不治者三年內有中風之疾也
宜先服愈風湯天麻丸各一料此治未病之先也是以聖人治
未病不治已病

中風人多能食蓋甲已化土脾盛故能多食由此脾氣愈盛下克
腎水腎水虧則病增劇宜廣服藥不欲多食病能自愈

中風病多食者風木盛也盛則克脾土脾受敵則求助於食經曰
實則夢與虛則夢取是也當瀉肝木治風安脾脾安則食少是

其效也

中風人初覺不宜服腦麝恐引風氣入骨髓如油入麵不能得出如痰涎潮盛不省人事煩熱者宜用之下痰神效

中風刺法出雲岐子學醫新說

大接經從陽引陰治中風偏枯

足太陽膀胱之經出於至陰足小指外側去爪甲角如韭葉為井

金

足少陰腎之經湧泉穴足心也起於小指之下趨足心

三呼

手厥陰心包絡之經其直者循中指出其端去爪甲如韭葉陷中為井中衝穴也其支者別掌中小指次指出其端

手少陽三焦之經起於小指次指掌端去爪甲角如韭葉為井

足少陽膽之經出於竅陰足小指次指之端去爪甲角如韭葉為

井其支者上入大指岐骨內出其端還貫爪甲出三毛中。十呼二十呼

足厥陰肝經脉起大指之端入叢毛之際去爪甲如韭葉為井大敦穴及三毛中。十呼大呼

手太陰肺經脉起大指之端出於少商大指內側去爪甲如韭葉為井其支者出次指內廉出其端

手陽明大腸經脉起大指次指之端入次指內側去爪甲如韭葉為井。三呼中指內交。三呼

足陽明胃經脉起足大指次指之端去爪甲如韭葉為井其支者入大指內出其端。一呼

足太陰脾經脉起足大指端循指內側去爪甲角如韭葉為井隱白也。十呼

手少陰心經脉起手小指內出其端循指內廉去爪甲如韭葉為井

手太陽小腸經脉起手小指之端去爪甲一分陷中為井

大接經從陰引陽治中風偏枯

手太陰肺經脉起手大指端出於少商大指內側去爪甲角如韭葉為井

一呼三呼

手陽明大腸經脉起手大指次指之端去爪甲如韭葉為井其支者入大指間出其端

足太陰脾經脉起足大指端循指內側去爪甲如韭葉為井隱白也

手少陰心經脉起手小指內出其端循指內廉去爪甲如韭葉為井

手太陽小腸經脉起手小指之端去爪甲下一分陷中為井

足太陽膀胱經脉起足小指外側至陰去爪甲如韭葉為井金足小指之端也

足少陰腎經脉起足小指之下斜趨足心為井湧泉穴也

手厥陰心包經脉其直者循手中指出其端去爪甲如韭葉為井中衝穴也其支者從掌中循小指次指出其端

手少陽三焦經脉起手小指次指之端去爪甲如韭葉為井

足陽明胃經脉起足大指次指之端去爪甲如韭葉為井其支者入大指間出其端

足少陽膽經脉起于竅陰是小指次指之端也去爪甲如韭葉為井其支者上入大指岐骨內出其端還貫爪甲出三毛中

足厥陰肝經脉起足大指之端入叢毛之際去爪甲如韭葉為井

大敦穴及三毛中六呼

中風鍼法出賣先生氣元歸類

手太陰列缺偏風半身不遂 天府中惡鬼症不得安卧

手陽明經肩髃穴曲池偏風半身不遂

足陽明胃人巨偏枯四肢不舉 衝陽偏風口眼喎斜足緩不收

手太陽脾骨偏枯狂悖

足太陽輔陽風痺不仁四肢不舉

足少陰腎照海大風偏枯半身不遂善悲不樂

足少陽胆陽陵泉半身不遂 環跳風眩偏風半身不遂

失音不語

穴

手陽明大腸天鼎承泣并喉痺 合谷瘖不能言

足陽明經頰車穴地倉不語飲食不收水漿漏落在治右右治左

手少陰經陰部瘖不能言

六經
靈道暴瘖不語

手少陽經支溝暴瘖不語

三陽絡暴瘖不能語

手太陽經天窗暴瘖不能言

足少陰經通谷暴瘖不語

手厥陰經間使瘖不能言

黃帝灸法療中風眼戴上不能視者灸第二椎并第五椎上各七

壯一齊下火炷如半棗核大立愈

獨聖散治諸凡膈實諸癰痰涎津液壅雜病亦然

右瓜蒂一味不拘多少對如麻豆大炒令黃為末患病人新

久虛實大小或一錢或二錢末用茶一盞酸漿汁水一觥調

下須是病入隔夜不食晚食服藥不吐再用溫鹽水投之。

如吐鼠糞如半錢全蝎炒。如濕腫加赤小豆末一錢。如

吐虫如狗油五七點雄黃末一錢甚者加羌花末半錢立吐
其虫出

凡吐須天色晴明陰晦不用如病卒暴不拘此法吐時辰已
午前為妙內經曰平旦至日中天之陽陽中之陽也若論四
時之氣故仲景大法春宜吐是天氣在上人氣亦在上一日
之氣則寅卯辰時也故宜早不宜晚此藥不可常用大要辨
其虛實實則瓜蒂散虛則梔子豉湯腹滿加厚朴不可一
用之吐罷可服降火丸氣寧神定志之劑此方出氣宜徐

新刊衛生寶鑑卷之第八

名方類集

中風灸法

風中脉則口眼喎斜中腑則肢體廢中臟則性命危凡中風莫如續命湯之類然此可扶持疾病要收全功必須火艾為良具穴下項

灸風中脉口眼喎斜

聽會二穴在耳微前陷中張口得之動脉應手

頰車二穴在耳下二韭葉陷者宛宛中開口得之

地倉二穴在俠口吻傍四分近下有脉微動者是

凡喎向右者為左邊脉中風而緩也宜灸左喎陷中二七壯

凡喎向左者為右邊脉中風而緩也宜灸右喎陷中二七壯艾炷

大如麥粒頻頻灸之以取盡風氣口眼正為度

灸風中腑手足不遂等疾

百會一穴在頂中央旋毛中陷可容豆許

髮際是兩耳前兩穴

肩髃二穴在肩端兩骨間陷者宛宛中舉臂取之

曲池二穴在肘外輔屈肘屈骨中以手拱臂取之橫紋頭陷中是
風市二穴在膝外兩筋間平立舒下手着腿當中指頭盡陷者宛
宛中

足三里二穴在膝下三寸胫外廉兩筋間

絕骨二穴一名懸鍾在足外踝上三寸動脉中

凡瘡手足麻痺或疼痛良久乃已此將中腑之候宜灸此七穴病
在左則灸右病在右則灸左如因循失灸手足不遂者秋瘡有
此候春灸春瘡有此候者秋灸以取風氣盡輕安為度

灸風中臟氣塞涎上不語昏危者下火立效

百會一穴如前

大椎一穴在項後第一椎上陷中

風池二穴顙顙後髮際陷中

肩井一穴在肩上陷解中缺盆上大骨前一寸半以三指按取之當其中指下陷者中是

曲池二穴如前

足三里二穴如前

間使二穴在掌後三寸兩筋間陷中

凡灸心中憤亂神思不怡或手足麻痺此中臟之候也不問是風與氣可速灸此七穴但依次第自急灸之可各灸五七壯日後別灸之至隨年壯止凡遇春秋二時可時時灸此七穴以泄風

氣如素有風人尤須留意此大法可保無虞此法能灸卒死醫經云凡人風發強忍怕痛不肯灸忽然卒死是謂何病曰風入臟故也病者不可不知此予自五月間口眼喎斜灸百會等三穴即止右手足麻無力灸百會髮際等七穴得愈七月氣暴逆上不能語魂魄飛揚如墜江湖中頃刻欲絕灸百會風池等左右頰車二穴氣遂通吐涎半碗又下十餘行伏枕半月遂平復自後凡養神思少異於常即灸百會風池等穴無不立效

風中血脈治驗

太尉忠武史公年六十八歲於至元戊辰十月初侍國師於聖安寺大室中煤炭火一爐在左側遶遶蒼面熱左頰微有汗師及左右諸人皆出因左頰踈緩被風寒客之右頰急口喎於右脉得浮緊按之洪緩予舉醫李提舉忽君吉甫專科鍼灸先於左頰上灸

地倉穴一七壯次灸頰車穴二七壯後於右頰上熱手熨之議以
升麻湯加防風秦芫白芷桂枝發散風寒數服而愈或曰世醫多
以續命湯等藥治之今君用升麻湯加四味其理安在對曰足陽
明經起於鼻交頰中循鼻外入上齒中手陽明經亦貫於下齒中
况兩頰皆屬陽明升麻湯乃陽明經藥香白芷又行手陽明之經
秦芫治口噤防風散風邪桂枝實表而固榮衛使邪不能再傷此
其理也夫病有標本經絡之別藥有氣味厚薄之殊察病之源用
藥之宜其效如桴鼓之應不明經絡所過不知藥性所主徒執一
方不惟無益而又害之者多矣學者宜精思之

秦芫升麻湯治中風手足陽明經口眼喎斜惡風惡寒四肢拘急

升麻

葛根

甘草炙

芍藥

人參

各半兩

秦芫

白芷

防風

桂枝

各三錢

右咬咀每服一两水二錢連須葱白三莖長二寸煎至一
觥去粗稍熱服食後服藥畢避風寒處卧得微汗出則止
犀角升麻湯治中風麻痺不仁鼻額間痛唇口頰車髮際皆痛口
不可開雖語言飲食亦相妨左額頰上如糊急手觸之則瘳此
足陽明經受風毒血凝滯而不行故也

犀角

一两二錢半

升麻

两

防風

羌活

各七錢

川芎

白附子

白芷

黃芩

各半两

甘草

二錢半

右為末每服五錢水二觥煎至一觥去粗溫服食後日三

服

論曰足陽明者胃也經云腸胃為市如市鄽無所不有也六經之
中血氣俱多腐熟水穀故飲食之毒聚於腸胃此方以犀角為王
解飲食之毒也陽明經絡環唇挾口起於鼻交頤中循頰車上耳

前過客主人循髮際至額顙故史公所患此一經絡也以升麻桂
之餘藥皆滌除風熱升麻黃芩專入胃經為使也

風中腑兼中臟

順德府張安撫字耘夫年六十一歲於己未閏十一月初患風謔
半身不遂語言蹇滯心神昏憤煩燥自汗表虛惡風如洒水雪口
不知味鼻不聞香臭聞木音則驚怖小便頻多大便結燥若用大
黃之類下之却便飲食減少不敢用不然則滿悶晝夜不得瞑目
而寐最苦於此約有三月餘凡三易醫病全不減至庚申年三月
初七日又因風邪加之痰嗽喘溢乾燥疼痛不利唾多中脘氣痞似
噎予思內經有云風寒傷形憂恐忿怒傷氣氣傷臟乃病臟病形
乃應又云人之氣以天地之疾風名之此風氣下陷入陰中不能
生法上行則為病矣又云形樂志苦病生於脉神先病也邪風加

之加入於經動無常處前證互相出見治病必求其本邪氣乃服
論時月則宜升陽補脾胃瀉風木論病則宜實表裏養衛氣瀉肝
木潤燥益元氣慎喜怒是治其本也宜以加減中和湯治之方

柴胡

黃芪各五分

升麻

當歸

甘草

灸各三分

半夏

黃蘗酒洗

黃芩

人參

陳皮

芍藥已上六味各二分

右十一味咬咀作一服水二觔煎至一觔去粗溫服如自
汗加黃芪半錢嗽者加五味子二十粒晝夜不得睡乃因
心事煩擾心火內動上乘陽分衛氣不得交入陰分故使
然也以硃砂安神丸服之由是晝亦得睡十日後安撫曰
不得睡三月有餘今因睡不已莫非他病生否予曰不然
衛氣者晝則行陽二十五度夜則行陰亦二十五度此衛

氣交入陰分循其天度故安撫得勝也何病之有焉止則
眼白睛紅隱澁難開宜以

當歸連翹湯洗之方

黃連 黃蘗 各五分 連翹 四分 當歸 甘草 各三分

右作壹服水二觔煎至一觔去粗時熱洗之

十三日後至日晡微有悶亂不安於前沖和湯中又加柴胡三
分以升少陽之氣飲三服至十五日全得安卧減有汗惡寒躁
熱脅膈痞滿小便多服藥之後小便減少大便一二日一行鼻
聞香口知味飲食如常脉微弦而柔和按之微有力上則咽喉
中妨悶會厭後腫舌赤早辰語言快利午後微瀉宜以
玄參升麻湯治之方

升麻 黃連 各五分 黃芩 各四分 連翹 桔梗 各

分

鼠粘子

玄參

甘草

白僵蚕

各一分

防風

右十味咬咀作一服水二觔煎至七分去粗稍熱噙嗽時

時噉之前證良愈止則牙齒無力不能嚼物宜用

牢牙散治之方

羊頭骨灰

升麻 各三錢

生地黄

黃連

石膏

各一錢

白茯苓

人參 五分

梧桐律

三分

右為極細末入麝香少許研勻臨卧擦牙後以溫水漱之

安撫初病時右有臂膊痛無主持不能舉動多汗出肌肉瘦不

能正卧卧則痛甚經曰汗出偏沮使人偏枯予思內經云虛與

實隣決而通之又云留滯不移節而刺之使經絡通和血氣乃

復又言陷下者灸之為陽氣下陷入陰中有膈時痛不能運動

以火導之火引而上補之溫之已上證皆宜灸刺謂此先刺十

二經之井穴於四月十二日右肩臂上有井穴內先鍼後灸二
七壯及至瘡發漸於枯瘦處漸添肌肉汗出少有臂微有力至
五月初八月再灸有井穴於足澤穴各灸二十八壯引氣下行
與正氣相接次日臂膊又添氣力自能搖動矣時值仲夏暑熱
漸盛以清肺飲子補肺氣養脾胃定心氣

白芍藥

五分

人參

升麻

柴胡

各四錢

天門冬

麥門冬

各去心各二分

陳皮

二分半

甘草

生

黃芩

黃蘗

甘草

各二分

右十二味以咀作一服水二觔煎至一觔去粗溫服食後

汗多者加黃芪五分後以潤腸丸治胸膈痞悶大便秘滯

麻子仁

另研

大黃

酒浸各一兩半

桃仁

紙上

當歸尾

枳實

麩炒

白芍藥

升麻

半兩

人參

生甘草

陳皮

各三錢

木香

檳榔

各二錢

右十二味除麻仁桃仁外為末却入二仁泥法蜜九桐子
大每服七八十九溫水食前送下

初六日得處暑節暑猶未退宜微收實皮毛益衛氣秋以
胃氣為本以

益氣調榮湯主之本藥中加時藥使邪氣不能傷也方

人參

三分臣

益氣和中

當歸

二分佐

和血潤燥

陳皮

二分佐去

白順氣和中

熟地黃

二分佐

養血潤燥瀉

陰火

白芍

四分臣

補脾胃微收治肝木之邪

升麻

二分使

使陽明氣上升滋榮有脉

黃芪

五分君

實皮毛

止自汗益元氣

半夏

二分臣

療風痰強胃進食

白朮

二分臣

養胃和中厚腸胃

甘草

二分佐

調

和諸藥溫中益氣

柴胡

二分使

引少陽之氣出于胃中

乃風行於天上

麥門冬

二分去心臣

猶有暑氣未退故

加之安肺氣交秋分節不用

右十二味父咀作一服水二觔煎至一觔去粗溫服忌食

辛熱之物恐助暑邪秋至不能散也正氣得復自安矣

風中腑諸方

大通聖白花蛇散治諸風疾

杜仲

天麻

海桐皮

乾蝎

赤箭

郁李

仁

當歸

厚朴

蔓荊子

木香

防風

葉本

官桂

羌活

白附子

草薢

虎骨

白芷

山藥

菊花

白花蛇肉

牛膝

甘草

葳靈仙

右二十四味等分為末每服一二錢溫酒調下荊芥湯亦得効不可具述

續命丹治男子婦人卒中諸風口眼喎斜言語蹇澁牙關緊急半身不遂手足搖擗頑麻疼痛涎潮悶亂婦人血運血風喘嗽吐逆睡卧不寧

川芎

羌活

南星

薑製

川烏炮

去皮

天麻

白鮮皮

當歸

防風

海桐皮

地榆

虎骨

熟地黄

硃砂

烏蛇生

鉛白霜

乾蝎

各一兩

肉桂一兩

牛黃

雄黃

各三錢

輕粉

二錢或一

麻黃

去節四兩以好酒三升煮至一升不用麻黃用酒

右二十一味為末麻黃酒汁入蜜半斤同熬成膏和前藥末為丸彈子大每服一九豆淋酒下或葱汁化下不拘時

候張文叔傳此二方戊辰春中書左丞張仲謙患半身不遂麻木太醫劉子益與服之汗大出一服而愈故錄之

疎風湯治半身不遂麻木及語言微澀季春初夏宜服

麻黃

三兩去節

杏仁

炒去皮

益智仁

各一兩

甘草炙

升麻

各半兩

右五味咬咀每服五錢水一小碗煎至六分去粗溫服如
有熱用葫蘆若大汗出去葫蘆不用

起風膏治中風手足偏廢不舉

紅海蛤

如棋子大者一本云海紅蛤

川烏

大者半用

川山甲

各二兩左雞用左腳右用右腳

右為末每服用半兩搗葱白汁和成厚餅子約徑一
貼在所患一邊脚心中用舊帛果緊縛定於無風密室中

椅上坐椅前用熱湯一盆將貼藥脚於湯內浸仍用人扶
病人恐汗出不能支持候汗出急去了藥汗欲出身麻木
得汗週遍為妙宜謹避風自然手足可舉如病未盡除候
半月再用一次自除根本仍服治諸風之藥補宜忌口遠
慾以自養

。風中臟諸方

活命金丹治中風不語半身不遂肢節頑麻痰涎上潮咽噎不利
飲食不下牙關緊急口噤及解一切酒毒藥毒發熱腹脹大小
便不利胸膈痞滿上實下虛氣閉面赤汗後餘熱不退勞病諸
藥不治無問男女老幼皆可服之

貫衆

甘草

板藍根

乾葛

各一兩

甜硝

一兩

川大黃

一兩半

牛黃

研

珠子粉

生犀角

薄許

各五錢

辰砂四錢研一半為衣

射香研

桂

青礬

各三錢

龍腦研二錢

右十五味為末與研藥和勻蜜和水浸餗餅為劑每兩作拾丸硃砂為衣就濕用真金箔四十片為衣臘月脩令乾器收貯多年不壞如療風毒茶清化下解毒藥新汲水化下汗後餘熱勞病及小兒驚熱並用薄荷湯化下已上並量大小加減服之

至寶丹方

辰砂

生犀

玳瑁

雄黃

琥珀

人參六

各五兩

牛黃二兩半

麝香

龍腦各一兩二錢半

天南星

二兩半水煮軟切片

銀箔二百五十片入藥

金箔

二百五十片半入藥半為衣

安息香

五兩用酒半斤

龍齒 二兩水飛

右十三味為末用安息香膏重湯煮烱搜剋旋丸梧子大每服三九至五九人參湯下小兒一兩九

至聖保命金丹治中風口眼喎斜手足顛拽語言蹇澁四肢不舉精神昏憤痰涎并多

貫衆 一兩

生地黃 七錢

大黃 半兩

青黛

板藍根

各三錢

朱砂 研

蒲黃

薄荷 各二錢半

珠子 研

龍腦 研各一錢半

麝香 一錢研

牛黃 一錢半研

右十二味為末入研藥和勻蜜丸雞頭大每用一丸細嚼茶清送下新汲水亦得如病人嚼不得用薄荷湯化下無時此藥鎮墜痰涎大有神效用金箔全衣

牛黃通馬湯初覺中風一二日實則急宜下之

牛黃

研三錢

朴硝

三錢研

大黃

甘草

各一兩炙

石四味除研藥為末每服一兩水二觔除牛黃朴硝外煎至一觔去粗入牛黃朴硝一半調服以利為度須動三兩行未利再服量虛實加減

呵子湯治失音不語

呵子

四兩半生半炮

桔梗

一兩半生半炒

甘草

二寸半生半炒

右三味為末每服五錢用童子小便一觔煎五七沸溫服甚者不過三服

正舌散治中風舌強語澀

雄黃

研

荊芥穗

各等分

右為末每服二錢豆淋酒調下

茯神散治謔同前

補心氣月餅
茯神心炒一兩

薄荷焙二兩

蝎梢去毒二分

右為末每服一二錢溫酒調下

勝金丹治中風涎潮卒中不語合吐利者當服此吐利風涎

青薄荷

半斤

猪牙皂角

二兩同薄荷以水二升接取汁盡用銀石器內慢火熬成膏

瓜蒂末

一兩

硃砂

研一兩留少許為衣

粉霜

半兩研

洛粉

一錢水銀重粉是

右以上四物研勻入前膏內入臼內杵三千杵丸如櫻

桃大以硃砂為衣每服一九酒磨下急即研細酒調灌之

癰中前如竟有證狀每於四孟月服一九自餘有病方可

服

分涎散治中風涎潮作聲不得口噤手足搐搦

藿香

乾蝎

白附子

南星

泡四味各一兩同為末

卅砂

賦粉

粉霜

各二兩

右七味同為末研勻每服一錢加至二錢薄苛湯或茶清湯調下未吐利再服

。風邪入肝

出許孝士本事方

真珠丸治肝經因虛內受風邪卧則魂散而不守狀如驚悸

真珠母

三錢研

熟地黃

當歸

各一兩半

酸棗仁

栝子仁

人參

各一兩

犀角

茯神

沉香

龍齒

各半兩

虎睛

一對

加麝香

三錢

右為末蜜丸如桐子大辰砂為衣每服四五十九金銀薄苛湯下日午夜卧服

獨活湯

獨活

黑者

人參

羌活

防風

前胡

細辛

沙參

五味子

白茯苓

半夏麴

酸棗仁

甘草

各一两

右十二味咬咀每服四錢水一觥半生薑三片烏梅半箇

煎七分去粗溫服不拘時

紹興癸丑予侍次四明有董生者患神氣不寧卧則夢飛揚雖身在床而神魂離體驚悸多魘通宵不寐更數醫無効予為診視之詢曰醫作何病治之董曰衆皆以為心病予曰以脉言之肝經受邪非心也肝經因虛邪氣襲之肝藏魂者也遊魂為變平人肝不受邪卧則魂歸於肝神靜而得寐今肝有邪魂不得歸是以卧則魂揚若離軀也肝主怒故小怒則劇董生欣然曰前此未知聞也雖未服藥似覺沉痾去軀矣願求藥治之予曰公且持此說與衆醫議所治之方而徐貸之閱旬日復至云醫徧議古今方書無效

病者故予處此二方以贈之服一月而病悉除此方以真珠母為君龍齒佐之真珠母入肝為第一龍齒與肝同類故也龍齒虎睛今人例以為鎮心藥殊不知龍齒安魂虎睛定魄各言其類也東方蒼龍木也屬肝而藏魂西方白虎金也屬肺而藏魄龍能變化故魂遊而不定虎能專靜故魄止而能守予謂治魄不寧者宜以虎睛治魄飛揚者宜以龍齒萬物有成理而不說亦在夫人達之而已

中臟治驗

真定府臨濟寺趙僧判於至元庚辰八月間患中風半身不遂精神昏憤面紅頰赤耳聾鼻塞語言不出診其兩手六脉弦數嘗記索古有云中臟者多滯九竅中腑者多著四肢今語言不出耳聾鼻塞精神昏憤是中臟也半身不遂是中腑也此臟腑俱受病邪

先以三化湯一兩內疎三兩行散其壅滯使清氣上升充實四肢
次與至寶丹加龍骨南星安心定志養神治之使各臟之氣上升
通利九竅五日音聲出語言稍利後隨四時脉證加減用藥不旬
即稍能行步日以繩絡其病脚如履闕或高處得人扶之方可踰
也又刺十二經之井穴以接經絡翌日不用繩絡能行步幾有日
大勢皆去戒之慎言語節飲食一年方愈

。治風雜方

祛風丸有人味喜醎酸飲酒過多色慾無戒添作成痰飲聚於胸
膈滿則嘔逆惡心涎流一臂麻木升則頭目昏眩降則腰脚疼
痛深則左癱右瘓淺則蹶然倒地以藥寬中祛痰搜風理氣和
血駐顏延年益壽

半夏

薑作餅風乾

荊芥

各四兩

槐角子

麩炒黃

白礬生用

陳皮去白

硃砂研各一兩一半為末

右六味為末生薑汁打糊為丸桐子大每服三十丸生薑
皂角子仁湯送下日二服早晨臨卧服

輕骨丹主中風癱瘓四肢不遂風痺等疾

苦參

三兩半

白皮

土下者

白芷

蒼朮

甘松

另用幾子黃者

川芎

各四兩

麻黃

剉去節五兩用河水
三升煮至一升去粗

熱成膏

右七味為末入前麻黃膏和丸彈子大每服一九溫酒一
觥研化溫服之即取汗五七日間再服手足當時輕快卒
中涎潮分利涎後用之

當歸龍膽丸治腎水陰虛風熱蘊積時發驚悸筋惕搐搦神志不

寧寐衛壅滯頭目昏眩肌肉腫脹胸膈痞滿嘔噎不利腸胃燥

泄小便淋閉筋脉拘急肢體痿弱暗風癰病常服宣通血氣調順陰陽病無再作

當歸

龍膽草

大蛇子

黃連

黃蘗

黃芩

各一兩

大黃

蘆薈

青黛

各五錢

木香

二錢半

麝香

五分另研

右十一味為末蜜丸小豆大每服二十九薑湯送下食後張文叔傳此方

風藥聖餅子治男子婦人半身不遂手足頑脉口眼喎斜痰涎壅盛及一切風他藥不效者小兒驚風大人頭風洗頭風婦人血風並皆治之

川烏

生

草烏

生

麻黃

去節各一兩

白芷

二兩

蒼朮

何首烏

川芎

白附子

白僵蚕各五錢

防風

乾薑

藿香

荊芥

各二錢半

雄黃

六分

右十四味為末醋糊丸如桐子大捻作餅子每服二餅嚼

碎茶清送下食後服

烏荊丸治諸風疾

川烏頭

炮去皮臍一兩

荊芥穗

二兩

右為細末醋麪糊丸梧子大每服二十九酒或熱水下食

空時日三四服

搜風潤腸丸治三焦不和胸膈痞悶氣不升降飲食遲化腸胃燥

泄大便秘難

沉香

檳榔

木香

青皮

陳皮

京三棱

梔子

大黃

酒浸

蘿蔔子

炒

商薤

枳實

各半兩

郁李仁

一兩去皮

右十二味為末蜜丸如桐子大每服五六十丸熱白湯送下食前常服潤腸胃導化風氣

澡洗藥治一切諸風及遍身癢痒光澤皮膚可常用

乾荷葉

三十二兩

威靈仙

十五兩

藥本

十六兩

零陵

香

十六兩

茅香

十六兩

藿香

十六兩

甘松白芷

各八兩

右八味為粗末每服二兩生絹袋盛水二桶約四斗煎四

五沸放熱於無風處淋漉洗了避風少時如水冷少時更

添熱湯斟酌得所使用勿令添冷水不添藥末

括痛散治肢節疼痛發落藥

羌活

獨活

防風

去芦義

細辛

肉桂

白

木

良薑

麻黃

不去節

天麻

去苗

川烏

生用去

葛根

吳茱萸

乳香

研

川椒

去目

全蝎

生用

當歸 各一兩

川薑 生半斤

右十七味為粗末入乳香研勻每味藥拾錢
錢同細鹽一升炒令極熟熟續袋盛熨
晚頗用藥冷再炒一次用畢甚妙藥不用

衛生寶鑑卷之九

名方類集

諸風門

○風癰

龍腦安神丸治男子婦人五種癰癩無問遠年日近發作無時服諸藥不效者

茯神去皮取末三兩

人參

地骨皮

甘草取末

麥門冬去心各二兩

硃砂飛二兩

烏犀屑一兩

桑白

皮取末一兩

龍腦三兩研

麝香三兩研

馬牙硝二兩

牛黃半兩

金箔三十五片

右十三味為末和勻蜜丸彈子大金箔為衣如癰病多集冬月溫水化下夏月涼水下不拘時候三二年病日進三服小兒一九分一服又治男子婦人虛勞發熱咳嗽新吸

冰一觥化下其喘涌痰嗽立止又治男女語澁舌強目進

三服食後溫水化下

治癰疾

川芎二兩

防風

狼牙皂角

鬱金

明礬各一

蜈蚣

黃柳赤柳者各一條

右六味為細末蒸餅丸如梧桐子大空心茶清下十五丸

一月除根神驗

神應丹治諸癰

好辰砂

不以多少

右細研猪心血和勻以蒸餅裹劑蒸熟就熱取出丸如梧

子大每服一九人參湯下食後臨卧

珠珀砂丹治風癰久不愈

山藥

人參

遠志

防風

紫石英

茯神

虎骨

虎睛

龜齒

五味子

石菖蒲

丹參

細辛

各二兩半

真珠

未四分

辰砂

二兩研為末

右為末麵糊丸如桐子大硃砂為衣每服三五十丸煎金

銀湯送下日進三服忌魚肉溫麵動風之物

參硃丸方治諸癰大有神效

人參

蛤粉

硃砂等分

右三味為末縱猪心血為丸如桐子大每服三十九煎金

銀湯下食遠

烏丸治五風癰病

川烏

草烏

天仙子

五靈脂

各二兩

黑豆

一升

右為末水丸桐子大每服五七丸溫湯下如中風加附子

半兩

神應丹治諸風心癰病

狐肝一具

烏鴉一隻

鷓鴣一個

白礬一兩

生犀

角一兩

野狸

一個去腸肚皮毛入新罐內黃泥固濟灰火

右為末酒打糊丸如皂角子大硃砂為衣每服一九溫酒

送下無時

治風癰瘰癧丸

天南星九蒸九曝

右為末薑糊丸桐子大每服二十九人參湯下菖蒲麥門

冬湯亦得

治風癰及心痛病

皂角參挺槌碎按濾取汁如稀糊攤紙上曝乾取兩葉如小

錢大用溫漿水浸洗下去紙注於兩鼻內各一蠅子殼許酒
史涎下咬筋澀涎盡後用

赭石

生一兩

白礬

生二兩

石為末搗糊丸如桐子大每服三十九冷水送下無時以
效為度

琥珀壽星丸

局方用南星一斤硃砂二兩琥珀一兩無諸心

天南星一斤掘坑深二尺用炭火五斤於坑內燒熟紅取出
旋搗淨用好酒一升澆之將南星趁熱下坑內用盆蓋蓋訖
泥壅合經一宿開取出再焙乾為末入

琥珀

四兩末

硃砂

一兩以一半為衣

右為末和勻猪心血三箇生薑汁打麵糊和心血和入藥
末丸如桐子大每服五十九煎人參湯空心送下日二服

法煮蓖麻子治諸癰病不問年深日近

蓖麻子 取

一兩

黃連 一兩對如豆大

右用銀石器內水一大碗慢火熬水盡即添水熬三日兩夜為度取去黃連只用蓖麻子仁風乾不得見日用竹刀切每箇作四段每服五粒作二十段荆芥湯下食後日二服服蓖麻子者忌食食豆若犯之則腹脹而死

○驚癰治驗

魏敬甫之子四歲一長老摩頂授記衆僧念呪因而大恐遂驚墮痰涎壅塞目多白睛項背強急喉中有聲一時許方省後每見衣皂之人輒法多服硃犀龍腦鎮墜之藥四十餘日前證仍在又添行步動作神思如癡命予治之診其脉沉弦而急黃帝鍼經云心脉蒲大癰癰筋挛又肝脉小急癰癰筋挛蓋小兒血氣未定神氣

尚弱因驚恐神無所依又動於肝肝主筋故癰瘰筋亦病久氣
弱小兒易為虛實多服鎮降涼寒之藥復損其氣故行步動作如
癰內經云暴卒癰眩足不任身取天柱穴者是也天柱穴乃足太
陽之脉所發陽蹻附而行也又云癰瘰癰不知所苦兩蹻主之
男陽女陰索古老人云晝發取陽蹻申脉夜發取陰蹻照海先各
灸二七壯陽蹻申脉穴在外踝下容爪甲白肉際陷中陰蹻照海
穴在足內踝下陷中是也次與

沉香天麻湯服三劑而痊愈

沉香

川烏

炮去皮

益智 各二錢

甘草 一錢半炙

薑黃 一錢半

獨活 四錢

羌活 五錢

天麻

黑附子

炮去皮

半夏 炮

防風 各三錢

當歸 一錢半

石十二味咬咀每服五錢水二觔薑三片煎一錢溫服食

前忌生冷硬物寒处坐臥素問諸痛論云恐則氣下精竭
而上焦閉又曰從下上者引而去之以養活独活苦温味
之薄者陰中之陽引氣上行又入太陽之經為引用故以
為君天麻防風辛温以散之當歸甘草辛甘温以補氣血
不足又養胃氣故以為臣黑附川烏益智大辛温行陽退
陰又治客寒傷胃腎主五液入脾為涎以生薑半夏燥濕
化痰十劑論云可去怯以沉香辛温躰重下氣去怯安神
故以為使氣味相合升陽補胃恐怯之氣自得而平矣
○破傷風諸方

烏梢散治破傷風及洗頭風神效方

烏梢蛇

酒浸一宿天骨六錢

麻黃

去節一兩

草烏

切開

麝香

黑附地

川芎

白附

麻黃

各半兩

蝎梢二錢

右為末每服一錢熱酒調下日三服重者三五日見效
四般惡證不可治第一頭目青黑色第二額上汗珠下流第三服
小目瞪第四身上汗出如油

硃砂充治破傷風目瞪口噤不語手足攣攣項筋強急不能轉側
發則不識人方

硃砂

研

半夏

洗

川烏

各一升

鳳凰臺

三升

麝香

一字

右為末棗肉丸如桐子大每服一九或二九冷水送下以
吐為度

天麻丸治破傷風神效不可言

天麻

川烏

生去皮各三升

草烏

生

雄黃

各一升

右為末酒糊丸如桐子大每服十九溫酒送下無時

○癰風證

內經云邪風成癰此疾非止肺腎臟有之以其病發於鼻俗呼為肺風也鼻準赤而脹大乃血隨氣化也氣既不施則血聚血聚則肉爛而生虫此屬厥陰前症之論詳矣肉中生虫 赤大以桑疎之可用局方升麻湯下錢氏碼青丸是也餘病各隨經而治之癰風成癰樺皮散主之此桑出局方從少至多服五七月後灸承漿七壯瘡愈藥再塗愈灸再同止

樺皮散治肺臟風毒遍身瘡疥及癰疹瘰癧

杏仁

去皮尖用一一餅團令成半取出令乾令研

荆芥穗

各二兩

枳殼

去穢用炭火燒存性

樺皮

燒存性各四兩

甘草

炙半兩

右五味為末每服二錢食後溫酒調下日進三服

承舞一穴一名懸鼓在頤前唇下死上中足陽明任脉之命
偏風口喎面腫消渴口齒痲蝕虫瘡灸亦佳日灸七壯至七七
壯止灸則血脉通管其風應時立愈艾炷依小竹筍頭大不灸
破血肉但令當脉灸亦能愈疾

凌霄散治驚風神効

蟬殼

地九地九

僵蚕

全蝎各七個

凌霄花半兩

右為末每服二錢執酒調下無時於浴室中常存湯中一
時許服藥神效

四聖保命丹

大黃半兩

黃藥半斤

苦參

荊芥各四兩

蝦蟆一個

燕灰

瓜蒌根

防風各半兩

輕粉少許

右為末每服一錢茶清一錢調下空心日午臨臥各一服

服後五七日先於牙縫內出臭黃涎渾身疼痛次後便利膿血病根乃去

加戒何首烏散治紫白癩風筋骨疼痛四肢少力眼斷白人鼻樑崩塌皮膚蒼疥及手足皴裂睡卧不穩步履艱辛

何首烏

蔓荊子

石菖蒲

荊芥穗

甘菊花

枸杞子

葳靈仙

苦參

各半兩

右為末每服三錢蜜茶調下無時

○癩風刺法并治驗

內經曰和風成癩又云風氣和氣俱入行諸脉俞散於分肉之間衛氣相干其道不利故使肉腠脹而有傷衛氣有所凝而不行故肌肉不仁也夫癩風者有榮衛熱附其氣不清故使鼻柱壞而色敗皮膚瑣屑風寒剋於腠不去名曰癩風或名曰寒熱病大風

之病骨節重肩臂墜名曰大風刺其肌肉故汗出百日刺骨髓疼
出百日凡二百日髮眉生而止鍼

舊風者數刺其腫上已以銳鍼其處按出其惡氣腫乃止宜
食淡食勿食辛食

戊寅歲正月段庫使病大風滿面連頸極痒眉毛已脫落須以熱
湯沃之則稍緩晝夜數次沃之或砭刺亦緩先師曰和風者疔風
也榮衛熱肘其氣不清故使鼻柱壞皮膚色敗大風者風寒客於
肌而不去治之當刺其腫上以銳鍼其處按出其惡氣腫盡乃
止常食淡食勿食辛食宜服

補氣瀉榮湯治之此藥破血散熱升陽去痒瀉榮辛溫散之甘溫
升之以行陽明之經瀉心火補肺氣乃正治之方

升麻

連翹各六分

桔梗五分

黃芩四分

生地黃

四分

蘇木

黃連

黃芪

全蠋各三分

人參

白芷各二分

甘草一分半

地龍三分

桃仁三个

蠅虫去足翅三个

胡桐淚一分所

麝香少許研

當歸

三分

水蛭三个炒烟尽

右拾九味除連翹別剉胡桐淚研白芷為末麝香蠅虫

水蛭令為末餘藥都作一服水二觔酒一觔入連翹同煎

至一觔去粗再入胡桐淚白芷各三味末并麝香等再上

火煎至七分稍熱服早飯後午飯前服忌酒麪生冷硬物

○鶴膝風方

蚺蛇丸治鶴膝風及腰膝風縮胡楚望博士病風症手足指節如

桃李痛不可忍服之悉愈

蚺蛇一條頭尾全者

白附子

阿魏研

桂心

白

芷各一兩

乳香 三分

當歸

北漏芦

芍藥

威靈仙

地骨皮

牛膝

羌活

安有膏

桃仁各一兩生同安息香研

沒藥 三分

右十六味蚍蜉桃仁白附阿魏桂心白芷安息香乳香沒藥九味同童子小便并酒二升炒熱冷處入餘藥為末蜜丸彈子大空心溫酒化下一丸無時

○頭痛門并治法方

太陽頭痛惡風寒諸血虛頭痛

川芎

少陽頭痛脉弦細寒熱

柴胡

陽明頭痛自汗發熱惡寒

白芷

諸氣虛諸氣血俱虛頭痛

黃芪

太陽頭痛必有痰脈重或腹痛為痰癖 半夏

厥陰頭痛項痛其脉浮微緩知欲入太陽病矣必有痰

少陽頭痛手二部三陽經不流行而足寒氣逆為寒厥矣 細辛

救苦神白散治男子婦人偏正頭疼肩骨兩太陽穴痛及熱上攻

頭目赤赤不已項筋拘急耳作蟬鳴

川芎 甘松 白芷 赤芍藥 兩頭尖

川烏 去皮各六分 甘草 各八錢

人為末每服二錢茶清調下服後飲熱湯半饑投之

川芎散治頭風偏正頭疼昏眩妙方

川芎 細辛 羌活 槐花 石膏 香附子

炙甘草 各半兩 荆芥 薄荷 茵陳 防風 去義

菊花 各一兩

石十二味為末每服二錢食後茶清調下日三服忌動風

物

石膏散治頭疼不可忍

麻黃

去節根

石膏各二兩

葛根七錢半

何首烏半兩

右為末每服三錢用水一錢生薑三片煎至七分去粗溫服極者三服神効

川芎神功散治風熱上攻偏正頭疼無問輕重久新並皆治之

川芎一兩

甘草二錢半

川烏生去皮

南星

麻黃

去節

白芷各半兩

右為末每服三錢水一錢薑三片煎七分入清酒半錢和

粗溫服避風如人行五七里再服汗出為度其痛立愈

茯苓半夏湯治風熱痰逆嘔吐或眩運頭痛

赤茯苓

去皮

黃芩

紅皮

去白各一分

甘草一錢

半夏 三个大者水煮三沸各切三四片焙

右咬咀作一服水二觔薑三片煎至一觔去粗分三服一

日以效為度

乳香瑤落散治男子婦人偏正頭疼不可忍大有神效

栗殼 去蒂四兩

柴胡 去苗

桔梗 去芦

甘草 炒

陳

皮 各一兩

石為末每服三錢水一觔灯草十莖長四指煎至七分去

粗食後服

清室膏治偏正頭痛年深不愈及暗風濕熱頭痛上雍搶目及腦

痛不止

羌活

防風 去芦

兩

甘草 炙一兩半

柴胡 七錢

川芎 五錢

黃芩

三兩半炒半酒浸焙

黃連

酒洗炒一兩

右同為末每服二錢用熟饅入茶少許調如膏以匙抄入
口內少用白湯下臨臥如苦疼痛每服加細辛二分如太
陰脉緩有痰名痰厥頭疼去羌活防風川芎甘草加半夏
一兩半如頭疼服之不愈減羌活防風川芎一半加柴胡
一倍

白虎加白芷湯治陽明頭痛發熱惡熱而渴且於白虎湯加香白
芷依本方煎

石膏散治頭疼

川芎

石膏

白芷

各等分

右末四錢熱茶清調下

如聖散治眼目及頭風偏頭痛

麻黃

羌活半兩

益硝

二各半

麝香

少許

腦子

少許

右為末搗鼻內神效

半夏茯苓天麻湯治痰厥頭痛頭旋眼黑煩悶惡心氣短促言語
心神顛倒目不敢開如右風雲中頭痛如裂身重如山四肢厥
冷

天麻 五分

黃耆 五分

人參 五分

蒼朮 五分

橘皮 五分

澤瀉 五分

白茯苓 五分

炒麴 五分

白朮 一兩

半夏

一兩半

麥蘖 一兩半

乾薑 二兩

黃蘗 二分

右咬咀每服五錢水二觔煎至一觔去粗稍熟食後服

經頭痛為足太陰痰厥頭痛非半夏不能療眼黑頭旋風虛內作
非天麻不能除天麻白謂之定風草獨不為風所搖以治內風之
神藥內風者虛風是也黃芪甘溫瀉火補元氣實表虛止自汗人
參甘溫調中補氣瀉火二木甘溫除濕補中益氣澤瀉茯苓利水

便道溫橘皮苦溫益氣調中而升陽炒麴消食蕩胃中滯氣麥蘖
日耳胃氣乾薑辛熱以滌中寒黃蘗苦寒用酒洗以療冬日
少腹在泉而發躁也

川芎散治偏頭痛神効

白殭蚕

六錢生用

甘菊花

石膏

川芎

各三錢

右四味為末每服三錢茶清調下食後時服忌猪肉蕎麥
麵

○氣虛頭痛治驗

栢叅謀名德字仲實年六十一歲壬子年二月間患頭痛不可忍
晝夜不得眠即中霄通甫邀予視之其人云近在燕京初患頭昏
悶微痛醫作傷寒解之汗出後痛轉加復汗解病轉加而頭愈痛
遂歸每過郡邑召醫用藥一同到今痛甚不得安卧惡風寒而不

喜飲食診其六脉弦細而微氣短而促語言如懶內經曰春氣者病在頭年高氣弱清氣不能上升頭面故昏悶此病本無表邪因發汗過多清陽之氣愈虧損不能上榮亦不得外固所以頭苦痛而惡風寒氣短弱而不喜食正宜用

順氣和中湯此藥升陽而補氣頭痛自愈方

黃芪

一錢半

人參

一錢

甘草

炙七分

白朮

陳皮

當歸

白芍

各五分

升麻

柴胡

各三分

細辛

蔓荊子

川芎

各二分

右咬咀作一服水二錢煎至一錢去粗溫服食後服之一

服減半再服全愈

內經云陽氣者衛外而為固也今年高氣弱又加發汗衛外之氣愈損故以黃芪甘溫補衛實表為君人參甘溫當歸辛溫補血氣

白芍酸寒收衛氣而為臣白朮陳皮炙甘草苦甘溫養胃氣生發
陽氣上實皮毛肥腠理為佐柴胡升麻苦平引少陽陽明之氣上
升通百脉灌溉週身者也川芎蔓荊子細辛辛溫體輕浮清利空
竅為使也明年春赴召之六盤山曹郎中以古風見贈云東垣李
明之早以能醫鳴易水得奧訣為竭黃金鑪一燈靜室窮內經黃
帝拊掌岐伯驚日儲月積不易售半世豈但三折肱所長用藥有
活法舊方堆案白魚生不聞李延同居且同病一下一汗俱得明
早年乃知古人一證有一方後世以方合證此理殊未明公心審
是者誰子直以異已喧謗声先生飲恨卧黃壤門生賴汝卓卓醫
中英活人事業將與相一旦在已摧非輕連年應召天策府應臺
草木皆欣榮好藏漆葉青粘散莫使樊阿獨擅名

。頭面諸病

○頭風論并方

肝經風盛木自狂動尚書云繭招損老子云物壯則老故木凌脾土金來克之是子來與母復讎也使梳頭有雪皮見肺之證也肺主皮毛大便實瀉青丸主之虛者人參消風散主之

人參消風散治諸風上攻頭目昏痛項背拘急肢躄煩疼肌肉蠕動目眩旋運耳鳴蟬鳴眼澀好睡鼻塞多嚏皮膚頑麻癢癰瘡

川芎

甘草

荊芥穗

羌活

防風

白礬

蚕

茯苓

蟬殼

微炒

藿香葉

人參

各二兩

厚朴

陳皮

各半兩

右為末每服二錢茶清調下如脫着沐浴暴感風寒頭痛
聲重寒熱倦瘳用荊芥茶清調下溫酒調下亦得可併服
之

龍腦香犀九治頭面諸風偏正頭痛心肺邪熱癰熱咳嗽

石膏

川芎

各四兩

生龍腦

生犀屑

各二兩

山施一兩

硃砂

四兩為一兩為衣

人參

茯苓

細辛

甘草

各二兩

阿膠

炒一兩半

麥門冬

三兩

右為細末蜜丸如櫻桃大每服一丸至二丸細嚼茶酒任

下○有於本方內加白芷菴龍腦以金箔為衣

清神散治頭昏目眩腦痛耳鳴鼻塞發熱消風理化痰涎

檀香

人參

羌活

防風

各十兩

薄荷

荊

芥穗

甘草

各二十兩

石膏

四十兩

細辛

五兩

右為末每服二錢沸湯點服

雷頭風

清震湯治頭面元痞腫痛憎寒發熱四肢拘急狀如傷寒

升麻湯一兩

蒼木一兩

荷葉一箇全一方荷葉二箇統研細煎藥調服亦可

右咬咀每服五錢水一觔並煎至七分去粗溫服食後雷頭風諸藥不效者證與藥不相對也夫雷者震卦主之震仰盂故藥內加荷葉象其震之形狀其色又青乃迷類象形也

肩骨痛方

選奇湯治肩骨痛不可忍大有神效

羌活

防風各三錢

甘草

二錢夏月生冬月炒

酒黃芩

冬月可用熟

甚者用

右咬咀每服三錢水二觔煎至一觔去粗溫服食後時時服之

時毒疙瘩方

漏蘆湯治臟腑積熱發為腫毒時疫疔瘡頭面紅腫咽嗌填塞水
藥不下一切危惡疫癘若腫熱甚加芒硝快利為度利已去硝

漏蘆

升麻

大黃

黃芩

各一兩

藍葉

玄參

各二兩

石穴味為粗末每服二錢水一觔半煎至六分去粗溫服

腫熱甚加芒硝二錢半

消毒丸治時疫疔瘡惡證

大黃

牡蠣

煨

僵蚕

炒各一兩

右三味為末蜜丸彈子大新汲水化下一丸無時

胃虛面腫方

胃風場治虛風證能食麻木牙關急搐目內蠕動胃中有風故面

獨腫

白芷 一錢六分

蒼朮 一錢

當歸身 一錢

升麻 二錢

烏根 一錢

麻黃 半錢 不去節

藥本

黃蘗

草薢

羌活 各二分

柴胡 二分

羌活 三分

蔓荊子 一分

甘草

六一分

乾生薑 二分

棗 四箇

右十五味 㕮咀 作二服 每服水一錢 煎至一錢 去粗溫服

食後

面熱治法并方

初即中之內五十一歲身軀肥盛已酉春患頭目昏悶面赤熱多服清上藥不效請予治之診其脉洪大而有力內經云面熱者手陽明病脉經云陽明經氣盛有餘則身已前皆熱況其人素膏粱積熱於胃陽明多血多氣本實則風熱上行諸陽皆會於頭故面熱之病生矣先以調胃承氣湯七錢黃連二錢犀角一錢疎利三

兩行散其本熱次以

升麻加黃連湯去經絡中風熱上行如此則標本之病邪俱退矣

方

升麻

葛根各一錢

白芷七分

甘草炙

白芍各伍分

黃連

酒製

黃芩

酒製各四分

川芎

三分

荊芥穗

薄荷葉

各二分

生犀末

三分

右十一味咬咀用水半觔先浸川芎荊芥薄荷外都作一

服水二觔半煎至一觔半入先浸三味同煎至一觔去粗

溫服食後日三服忌酒溫麵五辛之物

面寒治法并方

真定府維摩院尼長老六十一歲身軀瘦弱已酉十月間病頭面
不耐寒氣弱而不敢當風行諸治不效請予診之其脈弦細而微

且病人年高常食素茶果而已此陽明之經本虛脉經曰氣不足則身已前皆寒慄又加看誦經文損氣由此胃氣虛經絡之氣亦虛不能上達頭面故大惡風寒先以附子理中丸數服而溫其中氣次以

升麻加附子湯行其經絡方

升麻

葛根各一錢

白芷

黃芪各七分

甘草

草薺薏仁

人參各五分

黑附炮七分

益智三分

右九味咬咀作一服水三觔連須葱白同煎至一觔去粗

溫服數服良愈

升麻湯辨

或曰升麻湯加黃連治面熱加附子治面寒有何依據答曰出自仲景雲岐子註仲景傷寒論中辨葛根湯云尺寸脉俱長者陽明

經受病也當二三日發以其脉來鼻絡目故身熱目疼鼻乾不得
卧此陽明經受病也治於鼻交頰中從頭至足行身之前為表之
裏陽明經標熱本實從標脉浮而長從本脉沉而實陽明為病主
蒸上而熱不惡寒身熱名標陽明本實者胃中燥鼻乾目疼為肌
肉之本者兀兀而熱陽明禁發汗不可輕汗汗不禁下發之則變
黃證太陽主表榮衛是也榮衛之下肌肉屬陽明二陽併病葛根
湯主之衛者桂枝榮者麻黃榮衛之中桂枝麻黃各半湯榮衛之
下肌肉之分者葛根湯主之又名解肌湯故陽明為肌肉之本非
專於發汗止汗之治桂枝麻黃兩方互併為一方加葛根者便作
葛根湯故榮衛肌肉之次也桂枝芍藥甘草生薑大棗止汗麻黃
桂枝甘草生薑發汗葛根味薄獨加一味非發汗止汗從葛根以
解肌故名葛根湯錢仲陽制升麻湯治傷寒溫疫風熱壯熱頭痛

體痛瘡疹已發未發用葛根為君升麻為佐甘草芍藥安其中氣
朱奉議活人書將升麻湯列為陽明經解藥予診楊氏婦陽明標
本俱實先攻其裏後瀉經絡中風熱故升麻湯加黃連以寒治熱
也尼長老陽明標本俱虛寒先實其裏次行經絡升麻湯加附子
以熱治寒也仲景群方之祖信哉

陰出乘陽治法方

一婦人三十餘歲憂思不已飲食失節脾胃有傷面色黎黑不澤
環唇尤甚心懸如飢狀飢不欲食氣短而促大抵心肺在上行榮
衛而光澤於外宜顯而不藏腎肝在下養筋骨而強於內當隱而
不見脾胃在中主傳化精微以灌四傍中和而不息其氣一傷則
四臟失所憂思不已氣結而不行飲食失節氣耗而不足使陰氣
上溢於陽中故黑色見於面又經云脾胃氣通於口其華在唇今水

反侮土故黑色見於唇此陰陽相反病之逆也上古天真論云陽明脉衰於上面始焦始知陽明之氣不足故用

中和順氣湯以藥助陽明生發之劑以復其色耳

葛根 一錢半

升麻

防風 各一錢

白芷 一錢

黃

芪 八分

人參 七分

甘草 四分

芍藥

倉朮 各三分

右咬咀作一服水二觔薑三片棗二箇煎至一觔去粗溫

服早飯後

飯前

取天氣上升之時使人之陽氣易達故也

數服而愈

內經云上氣不足推而揚之以升麻苦平葛根甘溫自地升

天通行陽明之氣為君人之氣以天地之疾風名之氣留而

不行者以辛散之防風辛溫白芷辛熱以散滯氣用以為臣

蒼朮苦辛獨除陽明經之寒溫白芍藥之酸安太陰經之法

弱十劑云補可去弱人參羊肉之屬是也人參黃芪甘草甘
溫益正氣以為臣至真要大論云辛甘發散為陽生薑辛熱
大棗甘溫和榮衛開腠理致津液以復其陽氣故以為使也